



Publicaziuns dalla vischnaunca, jamna 21

Damonda da baghegiar

Nr. 2013-1027.000

Datum da publicaziun: ils 24 da matg 2013

Il patrun: Ignazi Jacomet-Cabalzar Via Peisel 22, 7186 Segnas

Il representant: Ignazi Jacomet-Cabalzar Via Peisel 22, 7186 Segnas

Object: Suschna da lenna, parcella 1108, Via Peisel 22, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 21-5-2013

Uffeci da baghegiar Disentis/Mustér

Administraziun communal

Sur Sontgilcrest ei l'administraziun communal *serrada naven da mesjamna, ils 29 da matg 2013 allas 17.00 entochen venderdis, ils 31 da matg 2013 allas 9.00.*

Administraziun communal Disentis/Mustér

Votaziun federala

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton *sil pli tard entochen venderdis, ils 7 da zercladur 2013 allas 17.00* tier l'administraziun communal (tel. 081 920 36 36).

Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar *suttascret* en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (*supplicau da francar*) ni directamein fierer en la scaffa da brev dalla casa communal.

Ils cedels da votar ston esser sil pli tard la sonda, ils 8 da zercladur 2013 allas 12.00 uras tier l'administraziun communal.

Il certificat dil dretg da votar ei da suttascriver. *Senza Vossa suttascripziun cun agen maun ei la votaziun nunvaleivla.*

Suprastonza communal Disentis/Mustér



Via Cavorgia

Muort lavurs da construcziun vid la via d'ual da Cavorgia (remplazzament dalla punt dil Rein a Cavorgia) vegn la via serrada naven *dils 29 d'avrel tochen ils 31 da matg 2013* per tut traffic, pia era per pedunzs. Quei naven dalla cruschada a Valzeinza entochen tiels mises ellas Cavorgias.

In sviament pil traffic ei pusseivels sur Sedrun–Cavorgia. Nus supplichein da prender enconuschientscha da quest avis per buca impedir las lavurs da construcziun.

Bien engraziament per la capientscha.
Uffeci forestal Disentis/Mustér

Controlla da habitonts

Mortori

Gion Manetsch-Tones, naschius ils 3-5-1931, morts ils 20-5-2013.

Unterbruch infolge Kabelumlegungen Information

Infolge Unterhaltsarbeiten und damit verbundene Kabelumlegungen bei der Rhätischen Bahn in Ilanz muss auch die KnS-Kabelnetz-zuleitung ausser Betrieb genommen bzw. umgelegt werden.

Nacht, 30.5.2013, von 0.30–6.30 Uhr.

Damit sind ab Schnaus/Strada bis Rueras während dieser Zeit Radio, Fernseh, Telefonie und Internet via KnS-Netz unterbrochen. Danke fürs Verständnis.

KnS, Bahnhofstrasse 2, 7130 Ilanz. Tel. 081 926 27 28, e-mail: kns@kns.ch, www.kns.ch

Apparats d'udida

Gliendisdis, ils 27 da matg 2013 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalisau:

a Mustér naven dallas 14.00 tochen ca. las 15.15,
a Curaglia naven dallas 15.30 tochen ca. las 16.30.

L'union Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit
Center da sanadad Sursassiala SA



Ludoteca Disentis/Mustér
15avla radunonza generala

Gievgia, ils 30 da matg 2013 allas 18.30 en ludoteca.
Beinvegni.

Tractandas:

1. Elecziun d'in/a dumbravuschs
2. Protocol dalla 14avla RG dils 15-6-2012
3. Rapport dalla presidenta
4. a) Rapport dalla cassiera
b) Rapport dallas revisuras
5. Elecziuns:
a) dalla cassiera
b) dall'actuara
6. Indemnisaziun dalla suprastonza
7. Program da lavur
Vendita memo
Novas gruppas da lavur (incumbensas)
8. Varia

**Radunonza generala dils possessurs da dretgs e pursanavels dallas alps Russein-Cavrein,
Mustér**

Dumengia, ils 2 da zercladur 2013 allas 20.15, hotel «la Furca», Mustér.

A stedia participaziun envida
la suprastonza

Brunch da purs/Bauernbrunch Parc Adula el/im «Pign Padua», Cavardiras

Siehe/mira sut Surselva ni inserat dils 24-5.

Walter Eggenberger im Disentiser Klosterforum

Siehe/mira sut Surselva.